



# TRANSPARENCY INTERNATIONAL BOSNA I HERCEGOVINA

Udruženje za borbu protiv korupcije Transparency International u BiH  
Broj registra u Ministarstvu pravde BiH: UP08-07-1-616/11

Udruženje za borbu protiv korupcije  
Transparency International u BiH

Sjedište:  
Gajeva 2, 78000 Banja Luka  
Telefon: 051/224-520 Fax: 051/216-369

Kancelarija u Sarajevu:  
Mule Mustafe Bašeskije 9/1,  
Tel: 033/220-049; Fax: 033/220-047

<http://www.ti-bih.org/>  
e-mail: [centar@ti-bih.org](mailto:centar@ti-bih.org)

**Datum:** 08.09.2017.

**Broj:** 02-04 (3504)

**Visoki sudski i tužilački savjet  
Ured disciplinskog tužioca  
Kraljice Jelene 88  
71000 Sarajevo**

**PREDMET: INFORMACIJA**, dostavlja se

Poštovani,

Transparency International u Bosni i Hercegovini (TI BiH) je iz sredstava javnog informisanja (pisanje portala *Žurnal* od 06.09.2017.g. „Ko stoji iza falsificiranja dokumenata SIPA: zamjenik ministra sigurnosti BiH Mujo Krešić kreator čitave afera i portal izdanje dnevnog lista Oslobođenje od 07.09.2017.g. „Tužilaštvo BiH bi da zaštiti Šimića“) saznao da je v.d. glavne tužiteljice, **Gordana Tadić**, od Kantonalnog tužilaštva Kantona Sarajeva zahtijevala izuzimanje predmeta protiv **Josipa Šimića Đindića** u odnosu na kojeg je navedeno kantonalno tužilaštvo otvorilo istragu za postojanje osnovane sumnje da je počinio krivično djelo „krivotvorenje isprave“ iz člana 373. Krivičnog zakona Federacije BiH. Ističemo da je Kantonalno tužilaštvo Kantona Sarajevo u saopštenju za javnost navelo da kao stvarno i mjesno nadležno tužilaštvo nastavlja rad na ovom predmetu, s obzirom da se radi o krivičnom djelu koje je propisano Krivičnim zakonom FBiH, kao i da je ovo tužilaštvo samostalni državni organ i da prema važećim propisima jedino glavni federalni tužilac nadzire rad kantonalnih tužilaštava ili rješava eventualni sukob nadležnosti između kantonalnih tužilaštava. Naime, član 19. Zakona o Federalnom tužilaštvu i član 51. Zakona o krivičnom postupku FBIH predviđaju da glavni federalni tužilac rješava o sukobu nadležnosti dva kantonalna tužilaštva.

S tim u vezi, dostavljamo Vam ove navode radi ispitivanja svih okolnosti, a u skladu sa članom 64. stavom. 2. Zakona o Visokom sudskom i tužilačkom savjetu, kako biste u okviru svojih ovlašćenja ispitali njihovu osnovanost, kao i da po izvršenoj provjeri ocijenite da li postoje osnovi za pokretanje disciplinskog postupka prema članu 67. Zakona, a protiv v.d. glavne tužiteljice Tužilaštva BiH Gordane Tadić. Naime, navedeni navodi mogu ukazivati na više mogućih disciplinskih prekršaja (član 57. odnosno Zakona) kao što su: **miješanje u postupanje sudije ili tužioca s namjerom opstruiranja ili potcjenjivanja njihovih aktivnosti; upuštanje u aktivnosti koje su nespojive s dužnostima tužioca; ponašanje u sudu ili tužilaštvu i izvan suda ili tužilaštva koje šteti ugledu tužilačke dužnosti ili bilo kakvo drugo ponašanje koje predstavlja ozbiljno kršenje službene dužnosti ili dovodi u pitanje povjerenje javnosti u nepristrasnost i kredibilitet tužilaštva.**

Takođe, ukazujemo na još jednu okolnost iz medijskih natpisa, a koja je u mogućoj vezi sa disciplinskim prekršajem iz istog člana („**davanje bilo kakvih komentara, dok se predmet ne riješi na sudu, za koje se opravdano može očekivati da mogu ometati ili štetiti pravičnom postupku ili suđenju, ili nepoduzimanje odgovarajućih koraka kako bi se osiguralo da se njemu podređeni**

**uposlenici tužilaštva također suzdrže od davanja komentara“)** kako je v.d. glave tužiteljice nedavno tvrdila da su u posjedu dokumenata koji ukazuju da su preduzete posebne istražne radnje protiv nje i potpredsjednice Visokog sudskog i tužilačkog savjeta, **Ružice Jukić**, da bi Državna agencija za istragu i zaštitu zatim saopštila kako su izvršenom unutrašnjoj inspekcijom ustanovili da nisu postojale nikakve zloupotrebe kada je u pitanju sprovođenje posebnih istražnih radnji, niti da su iste preduzimane prema gore navedenim osobama. Tužilaštvo BiH je zatim u svom sljedećem saopštenju izvijestilo javnost da su održali sastanak sa policijskim i bezbjednosnim agencijama, a povodom informacija o nezakonitom praćenju i nadzoru kretanja i razgovora v.d. glavne tužiteljice i potpredsjednice Visokog sudskog i tužilačkog savjeta, sa, kako se navodi, ciljem smirivanja tenzija. Postavlja se pitanje da li je ovakvim postupanjem Tužilaštva BiH i v.d. glavne tužiteljice, tj. preuranjenim objelodanjivanjem neprovjernih informacija o navodnim posebnim istražnim radnjama, za koje se ispostavilo da nisu autentične (ili da bar njihova autentičnost nije bila zagarantovana u momentu objelodanjivanja), narušen kredibilitet institucija Tužilaštva BiH, a što je Zakonom takođe predviđeno kao disciplinski prekršaj.

Izdvajamo i kao zabrinjavajuću praksu v.d. glavne tužiteljice da na konferenciji za medije, poput one koja je održana 30.08.2017.g., javnosti saopštava kako će, na koji način i u kom svojstvu biti ispitan ministar bezbjednosti **Dragan Mektić**, i to, kako je spomenuto, zbog njegove izjave da je Bosna i Hercegovina razvaljena država. Naime, v.d. glavne tužiteljice je najavila da će ministar povodom te izjave i, kako tvrdi, predmeta, biti pozvan „očito u svojstvu osumnjičenog“, da bi zatim izjavila da će još vidjeti u kom svojstvu će biti ispitan. Dajući kontradiktorne izjave u odnosu na ministra Dragana Mektića v.d. glavne tužiteljice je stavila ozbiljnu sumnju na svoju pristrasnost i profesionalan rad jer je na konferenciji za novinare spekulisala o radu na predmetu tako što je izričala vrlo ozbiljne kvalifikacije o toku i rezultatima istrage. Opisanu praksu smatramo spornom i zbog toga jer se zaziva nečije procesuiranje samo na osnovu njegovog iznesenog mišljenja.

Zahtijevamo da u skladu sa svojim ovlaštenjima ispitajte sve navedene navode, te Vas molimo da nas obavijestite o rezultatima ispitivanja, i to na adresu Gajevo 2, 78 000 Banjaluka.

S poštovanjem,



Lejla Ibranović  
Izvršna direktorica  
Transparency International BiH